

ben/darnach wirff ein ganze stund nur lauter Salk auff die Ma-
tern / auff dem Treibscherven / darnach laß es gar abriecken /
so findt man das Kupffer geschmeidig / das soll man wider mit
Sulphur verbrennen / man soll ihn aber zuuor wegen / was im am
Gewicht abgangen ist / daß man wider so viel frisch Kupffer hinzu-
setz. Sodise Gradation alle tag ein mal geschicht / 14. tag lang / so
hat man auch sein Goldische Luna, daß man mit 100. Gulden vn-
kosten 1000. Gulden gewinnen kan.

Ein Puluer.

Nem nimb Antimonij fixi ein Loth / Saturnum supplima-
tum, Crocus Martis. jedes zwo Unz / \oplus ein Loth / X. Sul-
phur / per pars, ana zwey Loth / spartig Antimonium / σ /
 \odot / jedes ein Pfund / vermischs / laß in ein verdeckten Kolben ge-
mach mit einander fließen / alsdann \odot ein Pfund / Sulphur ein
halb Pfund / darauß geworffen / mit einem Drat gerührt / verbus-
sen / gibt ein graw Puluer.

Purgatio Lune gibt das Pondus.

Nymb Feinsilber Lamelen / vnnnd cementier die mit Kreiden
vier vnnnd zwenzig stund / darnach so nimb sie auß / wäsche
sie wol / vnnnd cementier sie wider mit frischer Kreiden / das
thue drey mal / darnach so cementier sie mit Salgrüne præparato,
auch drey mal / vnnnd alle mal rein außgewaschen / darnach reducier
es in ein Corpus.

Crocum Veneris mach also / zu dem
Particular.

Nem nimb Kupfferblech von einem alten Kessel / bestreich
sie mit Sulphur vnnnd Del / vnnnd cementier sie drey tag
lang / in einem sauberen Gefesz / daß doch die Bläch einan-
der nicht anrühren / hab acht daß sie nicht fließen / den Calcem
reibe auff einem Marmelstein gar rein vnnnd wol ab / inbibier ihn wol

H ij mit